

新安聶師道行教於吳國安定胡謙光嘗國  
 孔宗嘗十人皆受思真煉神之妙旨其餘遊  
 於聖迹藏於名山不復得而記矣天復二年  
 二月十四日沐浴焚香端拱而坐俟停午而  
 化顏色怡暢屈伸自逸異香芬馥三日不散  
 弟子以從俗葬舉以就棺但空衣而尸解矣  
 葬於大滌洞之傍白鹿山復有道俗於仙都  
 山及廬山累見之自言我捨大滌洞歸隱瀟  
 山天柱源也

道一曰左元澤答問立方遠之間善則  
 善矣然未云但於有無一致泯然無心則  
 學者猶未知有無之辯也夫能識無中不  
 無有中不有方契乎道方遠之所得度不  
 止此也道德經曰三十輻共一轂當其無  
 有車之用埴埴以為器當其無有器之用  
 鑿戶備以為室當其無有室之用故有之  
 以為利無之以為用此論無也又曰孔德  
 之容惟道是從道之為物唯恍唯惚惚兮  
 恍兮其中有象恍兮惚兮其中有物兮兮  
 冥兮其中有精其精甚真其中有信又曰

有物混成先天地生寂兮寥兮獨立而不  
 改周行而不殆可以為天下母吾不知其  
 名字之曰道此論有也知此則親見左元  
 澤亦必曰斯言盡之矣  
 歷世真仙體道通鑑卷之四十

正一天師清微弟子 洪百堅 製作  
 道教學術資訊網站

歷世真仙體道通鑑卷之四十一 麟元

聶師道

浮雲山聖壽萬年宮道士趙道一編修  
 聶師道字通微新安歙人也性聰淳直言行  
 謙謹養親以孝聞深為鄉里所敬少師事于  
 方外即德誨之從兄也德誨自省即出牧新  
 安乃於郡之東山選勝地構室宇以居之目  
 為問政山房而師道事之辛勤年十三披戴  
 冠裳十五傳法籙修真之要後出遊績溪山  
 自言嘗覽內傳見服松脂法乃與道侶上百  
 丈山採松脂崖石迥聳百丈遂以名之其四  
 望高千餘仞夜宿於崖頂松下天清月朗忽  
 聞仙樂起自東南紫雲上遙遙而來連緩過  
 於石金山石金與百丈其高相等雖平地隔  
 三十餘里山頂相望咫尺間乃聞仙樂到彼  
 輟少時敲小鼓辨九三通復通奏金石笙簫絲絃  
 響亮擊鼓而拍莫審其曲調聲揚而清特異  
 人間之樂自三更及雞鳴而止後問於山下  
 人是夜皆聞之其同侶嘆曰方採靈藥遽聞  
 仙樂豈非有感此亦君得道之嘉兆矣其後

遊行歸南岳禮玉清及光天碧玉二壇後泊招仙觀入洞靈源時當春景聞蔡真入舊隱處不遠有花木甚異採樵者時或見蔡真人。在其間師道喜之乃辟穀七日晨起獨往山中漸行聞花有異香不覺日晚忽到大溪傍見一樵人臨水坐於沙上師道欲覩近方乃負樵將下溪迴顧師道却駐樵擔門獨此何往應之曰學道尋仙深心自切聞蔡真人隱此山願一禮謁爾樵人曰蔡君所居極深人不可到師道曰攀蘿登崖已及於此有山通行豈憚遠近樵人又曰日將暮矣且行過此山東有人家可宿師道欲隨樵人去樵人遂入溪水甚淺及師道入水極深而急不敢涉樵人曰汝五十年後方過得此溪自送樵人步水面而去不見師道迴山東十餘里遙望見草舍三間有雉落鷄犬漸近見一人青白色似農人年可三十獨居見師道到甚訝師道深山自行忽曰家累俱出何為主人又問師道此來何之應曰尋蔡真人隱居主人曰路上見樵人否曰見主人曰此蔡道者適

過也師道聞之禮祝曰凡愚見仙聖不識亦命也已逼夜山林深黑投宿無地又問曰從何來具以發迹新安尋真之由以對乃許入其舍復指師道令近火爐邊牀上坐曰山中偶食盡求之未歸師道曰絕粒多時却不以食為念見火側有湯鼎復有數箇黃磁合主人曰合內物可與任意取之乃揭一合是茶主人曰以湯潑喫及寒氣味頗異於常茶久之復思茶更搗之合不可開搗諸合皆不能開師道心訝不似村人家而不敢言主人別屋睡日高不起又無火燭睡中曰此孤寂之處忽病無以相待前村人家甚多可以往彼師道遂行數里不見人家悉是崖險乃迴盼已迷向宿之處復行約三十餘里忽逢見一老人欣喜邀於石上坐問入山之意具以前事對之老人曰蔡君父子俱隱此山昨夜所宿之處即其子也又曰爾道氣甚濃仙骨未就入山饑渴曷能久留此哉俄折草一莖與師道形若薑苗而長尺餘嚼味甘美復令取泉水喫次舉頭已失老人所在師道悲嘆

不已而覺食茶草之後氣力輕健愈於來時却欲沿山路尋宿處其路已為棘蔓蔽塞前去不通却迴招仙觀眾道士驚異曰此觀雖靈岳側近蟲獸甚多人罕能獨行何忽去月餘日實久憂望師道曰昨日方去始經一宿具言見樵人及宿處又逢老人道士皆嘆曰吾輩雖同居此觀徒為學道知有蔡真人無緣一見吾子夙有仙分已見蔡君父子其老人者昔聞彭真人亦隱此山豈非彭君子乎一入山速逢三仙人一日一宿人間月餘矣其實積習之命也師道深自嘆異駐招仙觀修煉逾年後以親老思歸却迴問政山每入諸山拾薪斫藥或逢虎豹見師道則垂耳搖尾俯伏於地師道以手撫而呼之乃起隨行或以薪藥附於背上負之送歸而去昔郭文舉居大滌洞伏虎亦如之歎之近山頗有猛獸而不為人之害者自師道之感也其親時問師道遊學所益具陳其事親聞之而喜曰汝以孝養我道資亦幸為汝母矣此蓋宿慶之及也後又出遊復思往南岳九疑山早

聞梅真人蕭侍郎皆隱玉笥山時人多見之  
 梅即南昌尉梅福也蕭即梁之公子蕭子雲  
 也自東陽太守避侯景之亂全家入山二人  
 俱得道於此師道且止玉笥清虛觀思慕梅  
 蕭特遊柳木坑或異一見堅心而去山行極  
 深忽見一人布衣烏紗帽顏若五十許人師  
 道禮敬問之初自稱行者問師道何往乃以  
 尋梅蕭為答行者曰爾精勤慕道遍訪名  
 山誠亦非易欲見二君行者可以相引爾宿  
 業甚淨已應玉籍有名雖未便飛昇當亦度  
 世爾行者又曰我謝通修也恐爾未識故以  
 自言本居南岳與彭蔡同隱已三百年知爾  
 嘗遊洞靈源我適為東華君命主玉笥山林  
 地仙兼掌清虛觀境土杜令爾與我素有道  
 緣是得相見然梅蕭日中為小有天王所召  
 恐未便還未可俟也師道於是虔拜曰凡世  
 內人謬探大道凝神注想以朝繼夕未知要  
 妙若浮于海詎識其涯不期今日獲見道君  
 實曠劫之幸也通修曰丹心懇苦深可憫哉  
 爾世事未了且當送爾出山路往我所止隨

行數里忽見草舍兩間甚新潔有床席小鑪  
 然火煎湯儼若書生所居而無人通修命師  
 道入坐於木馬上通修自坐於白石鹿上俄  
 有一鬚角童以湯一盃與師道啣之神氣爽  
 然又指令架上取書一卷通修曰此素書也  
 但習之無怠當得真旨師道意欲求住師學  
 之未啓言而通修已知曰爾有親垂老雖有  
 兄能養若欲更南遊此未可言住我有弟子  
 號紫芝在九嶷山若往彼見之為我傳語兼  
 出素書示之得盡其旨矣或不見但投素書  
 於毛如溪上洞中仍題石壁記我傳語之意  
 紫芝當自授爾要道言訖乃發遣師道迺俄  
 不見通修已在柳木坑外師道入清虛觀矣  
 道士驚之曰一去七日而返何之也師道具  
 以對之有道士二人欣躍乞與師道共入柳  
 木坑到舊處岩石草樹歷歷宛然但失其草  
 舍竟日悵望而迴師道得素書文字可識皆  
 說龜山王母理化眾仙秘要真訣也他仙習  
 此當得昇天世人授之跡參洞府其間有疑  
 義不可究者後到南嶽九嶷山湘真觀月餘

尋問紫芝蹤迹咸言毛如溪有一隱士莫知  
 姓名人或見者師道累入山尋之不見乃如  
 通修之言投書題石壁後嘗夢神人稱紫芝  
 教之以釋凝滯意乃醒然經歲餘復還問政  
 居二十餘年每焚修即以二蔡彭謝真形畫  
 像瞻禮仍自以管幅編異傳於遺俗其後吳  
 太祖霸江淮間聞師道名跡其道德乃勅  
 廣陵建玄元宮以居之每陞壇祈恩禱福水  
 旱無不應致感動天地慶雲呈祥乃降褒美  
 為道遠大師問政先生師道道以資孝遠不  
 違親親之在堂九十有五丁憂之日匍匐奔  
 喪負土成墳絕漿過禮便謀適遠莫遂初心  
 無何駟騎繼來詔命難拒太祖目待益重舉  
 國莫不傾依門人鄭得臣王處訥楊臣異汪  
 用真程守朴曾景霄王可儒崔縵然杜崇真  
 鄭啓遐吳知古范可係劉日梓康可久王柄  
 震等皆為入室弟子傳上清法散於諸州府  
 襲真風而行教朝廷皆命以紫衣光其玄門  
 至秦吳荆齊燕梁閩蜀之士咸來逾紀勤苦  
 奉事師道常謂之曰我無道術何以遠來若



此弟子皆曰若張君居蜀天下之人悉往師之隨其所修各授以道要群弟子執奴僕之役久而不去者方得成仙今悉是枯骨子孫日逼朽腐思避短景希度長生願無却懇切也然師道以仁慈接眾言不阻違隨其性識

指以道要若久行霧露餘潤漬衣近羅沈檀輕香襲體由是居廬陵三十餘年有弟子五百餘人而師道胎息已久煉丹有成常欲歸彼故山為逼屠恩有違宿願遠幸歲在辛未秋月夢一人黑幘朱衣曰先生道成久矣天命迎之先生寤而奕然乃謂門人曰我為仙官所召處世非久以其年十月二十三日吳香滿室雲鶴立庭若真靈所集言別解化於都下紫極宮春秋六十有八躬玄墟於太平門外弟子欲之棺忽有聲視之若蟬蛻矣後數日人自豫章見之領一髮角童隨行道俗多識之咸問何為速遊曰離南嶽多年今暫往爾所在多泊舊遊宮觀早年後有人自長沙來亦如豫章所見復言衡陽路見歸洞靈源去樵人言五十年後過此溪果足驗矣順

義丁亥三月大丞太師東海王恭按典禮奉還新安立玄壇給田莊改故居為歸真院仍表薦追贈鴻臚卿賜冠劍法服等恩禮優渥

### 張魚

張魚晉州神山縣人一名縕字藏真父居欽

母楊氏感黑光而娠十有八月乃生於唐高宗永徽四年四月十六日身長七尺五寸風神秀逸志性脩閑眉目如畫語言若鐘工琴書善長嘯好黃老方士之說父死有欲以女妻之即棄去曰吾慕古洪崖仙人遂自號洪崖子游青蓋山遇褐衣老人曰此岩景成子汝師也如其言訪之有被髮卉服踏盤石者魚再拜景成子曰誰遣汝來魚具道老人語遂盡傳其方又曰姑射之南有古洞汝當居之若得五藥童役之則仙去遂往姑射有神人指洞所果得五童曰橘栗木葛拙役使左右隱洞中十五年仙書祕典九經百氏靡所不通有樵夫窺而嘆者魚酌杯水覆之石上視之錢也往輒獲之書生劉會怪之與俱來失魚所在魚常乘青驢從五童入靈夏訪崑

崑游終南秦華往來青城王屋太行之間與葉羅二天師為侶每究金丹華池之事易形煉化之術人莫能究其妙聖曆中武后召之不至嘗醉卧洞口酒欲醒髮鬢見神人長丈餘形甚偉衣冠儼然指之曰子何不學大隱

曰何謂大隱神人曰九衢三市稠人翕然譴譁於前後問曰何謂小隱神人曰獨卧林泉曠然自適昔夷齊居首陽是曰小隱耽伏混世俗是曰大隱魚稽首從命而神人忽隱已而寓洛陽給事李嶠家凡十三年詞人逸客爭相求見明皇開元七年屢召辭不獲乃來見於湛露殿上問曰先生善長嘯如何得聞於是應聲而發則幽韻蕭蕭清人心耳上曰朕何如堯帝先生何似許由曰陛下道超堯帝臣則德謝許由昔堯帝召許由而不至今陛下召臣而臣來上嘉之拜魚太常卿累遷至司徒皆不受曰陛下何惜一山一水不令臣追迹巢由是歲八月聽還山魚嘗在禁中指白驢云此乃千歲雪精也因賜之詔本州葺其孝義里居名其鄉曰洪崖里曰徵君仍

賜牧驢草地於汾水郊王守禮嘗問曰淮南雞犬皆仙去有之乎氤曰學道求仙如同睡異夢父子夫婦莫相及也守禮曰神丹可餌黃金可成乎氤曰富貴聲色伐性之斧熟化烹煉大命之斤草木金石腐腸之藥不可學也守禮曰我輩非仙材邪氤曰毋勞汝形母

搖汝精枯淡寡終寄以久生可以盡年守禮曰謹奉教氤雅好古物時天下名賢往往有所贈闕國公李太一遺書曰僕聞先生有好古之癖欽仰之久近有張生者晉司馬華九世孫不遠千里以孔子木履一枚見遺云傳寶已二百年觀其先聖所踐之物非敢匿之

是用馳獻太子洗馬田遊岩贈尹喜龜玉戎如意杖侍御史郭翰贈王烈石髓孔子二儀履楊炯贈孔子石硯楊雄鐵硯僧惟恭贈節竹杖揚齊哲贈嵇康鍛鏈陳平和階元亭贈謝靈運鬚數莖僧智遠贈蔡邕焦尾琴葛洪刮樂琵琶倫然贈迦葉陀頭鉢秦林莊贈河

上公註五千言草本劉守章贈四皓鹿角枕司馬子微贈淮南王藥曰杵周子恭贈古帝

王圖一卷節度使張守珪贈海蝦蟆牙長一尺八寸魏肅贈陶潛鳴琴芙蓉冠劉長新贈王喬笙氤竟入山絕粒服氣隱姑射山不復出久之河東巡撫使李嗣真與晉牧郭正一往姑射尋之數日方遇於松下戴角中披

裘而卧乃曰朝客何用逼野人乎二子嘆曰真高士巢由之輩也嘗註老子周易三禮穀梁又著高士傳十卷神仙記二十卷河東記三十卷大周昌言十卷皆未行世十六年洪州大疫有狂道人跨驢從五童施藥市中病者立愈州以上聞土意其氤驛召之果氤也然三召卒不至乃栖息於洪崖先生之古壇

出入跨雪精常服烏方帽紅蕉衣黑屨帶短靴靴五童分執六角扇鐵如意笻竹杖長盈壺常滿杯文榴酒榼自然榴杓一云常服履條中六角扇

甜笑自若人莫知其所言三十五年范陽人得二大牙皆一尺八寸以獻上上遣使詰問氤答曰頃見崑崙之下有蝦蟇大者踰百尺殆是那天寶四載年九十三以四月八日黎

明大霧尸解榻上郡人見其從五童冉冉上騰而去是歲八月復於晉州與里人劇飲留氤履為別至六日尸解騰去亦如之晉人藏其屍於北源祿山之亂以靈響助肅宗乾元中因申泰芝言豫童伏龍山有異氣詔立應

聖宮聖肅宗像以先生配焉今紫清宮是也德宗時繼於晉州即其宅立廟又於洪崖山尸解處立廟祀之今皆為樓真觀氤有詩三章傳于世其一曰去歲無田種今春乏酒材從他花鳥笑伴醉卧樓臺其二三下調人無

采高心又被嗔不知時俗意教我若為人其三曰入市非求利遇朝不為名有時陪俗物相伴且營營今自豫章水西沿泗數里至隋唐西昌縣故此數百武間為小石頭有石磯曰洪崖釣臺有石池曰洪崖硯池相傳為氤

書畫處蓋氤來豫章十八年舊跡可考僅如此太平廣記云唐憲宗時韓愈謫潮州行次商山有甥慕雲水得道久不知所之忽迎立馬前送至鄭州曰某師在此山玄扈倚帝峯為東園公柔金玉作九華丹火候精微難

於暫捨請從此辭問其師曰洪崖先生也丹霞翁曰洪崖先生聞於古洪崖子生於唐其為二人明甚然洪崖子者玄宗亦嘗稱先生矣韓甥所遇果洪崖子耶抑古洪崖耶是未可知也世必有知之者

臣道一曰張蠶混俗養真名動朝野觀其答明皇之問曰陛下道超堯帝臣則德謝許由謙之至也夫自五帝官天下三王家天下而帝王殊品明皇豈真道超堯帝張蠶豈真德謝許由哉道德經曰江海所以能為百谷王者以其善下之故能為百谷王是以聖人欲上人必以言下之欲先人必以言後之張蠶之謂也

### 傳仙宗

練師傳仙宗長安人父倫資陽令仙宗幼聰明而好道家學年十二隱資陽山未幾有神人告玉案山乃福地可往修行既至建玄齡觀以居之僅一紀一日又有介甲士數人告曰某主山神也自師居此身不遑安況此未為修真之所即州之西有平岡山可居仙宗

然其說乘青驪赴平岡山聞鬼神侍衛而至建星壇靜室創老君殿於其間唐明皇詔赴關利州楛栢江每年舟楫為水所害仙宗抵其江津人說其苦難仙宗乃以二石板築符投水中翌日果有二大魚曝於灘腹下有丹

字曰赤鯉赤鯉生居河水不避仙官宜得其死刺史具以聞詔立仙宗祠於其陵已而至都所對稱旨命賜優厚俾于上清宮設醮上躬詣之仙宗拜請東方青帝青童從官將神及諸位列宿等皆儼然來降上恐懼既罷問御修何道而致此曰臣修道務以安人利物節食儉水守之以恬淡行之以簡易澄之不清撓之不濁以此自勝故一切神靈應召而至又問金丹曰金液之丹未可使服須功滿行圓惠及民物然後服之即長生也上大悅久之乞還山詔修葺舊觀賜額為應真上親書之後亦遣使齋香燭就設醮席不絕唐肅宗乾元三年十月十四日忽聞空中云太上有勅乃索沐浴遂登榻而化邑人王念自成都還道中見仙宗乘青驪入簡州去而後亦

莫知其所之御史中丞宋渾撰碑

### 成道士

成道士者不知何許人晦名隱迹唐明皇開元末中使謁金天廟聞成真人之名遽依之有道士弊衣負布囊而來詢其氏曰姓成延於傳舍問所習不答以駢與之至成都密奏之明皇異其說召入館于蓬萊院問道術及所修皆不對未幾乞歸山上允乃挈布囊而去人見皆笑之而後因徹幙壁上有題曰蜀路西行燕師北至本擬白日昇天且看黑龍飲渭其字刮洗愈明上聞之亦莫知其意不數月果狩蜀

### 趙惠宗

道士趙惠宗者破州宜都人隸籍久之得九天仙籙三洞秘法皆通曉後居郭道山唐明皇天寶末還硤忽於郡之東北積薪自焚僚庶悉往觀之惠宗怡然坐火中誦度人經斯須化為瑞雲仙鶴而去火既燼其下草猶綠得遺簡有詩二首其一曰生我於虛置我於無至精為神元氣為軀散陽為明合陰為符



形為灰土神與僊居巖垢將畢萬事永除其  
二曰吾駕時馬日月為衛洞曜九霄上謁天  
帝明明我眾及我門人偽道養形真道養神  
懋哉懋哉餘無所陳

翟法官

翟法官字乾祐夔州雲安人也身長六尺少  
喜老子說志清修斥五辛不食居玉石鄉之  
精舍唐玄宗天寶十四載乾祐年四十一矣  
忽夢一童子曰二真人令我語汝翌日可至  
溪上乾祐速悟質明至溪上則是有偶坐磐  
石者神宇超然乃二真人也乾祐趨謁恭甚  
俄而雲霧晦冥真人乘之而去顧乾祐曰吾  
近閱靈異經知有若名故持錄來至往靈昇  
宮吾授若也乾祐即往真人乃授以寶笈靈  
文三科一曰三將軍祕術二曰紫虛祕術三  
曰太上正一盟威祕法并賜神圖一百二十  
使正月朔旦取一餅之壽當如其數且戒曰  
西有瀛池五龍居之若可召而役焉以利濟  
群生乾祐拜受其言已乃更築靜居恪行三  
科於是真人與日月星君夜數降其室邑人

取汲於江夏苦渴飲乾祐鑿井其廬傍召  
龍主之雖隆暑水亦甘冽乾祐以考召著名  
每念靈安一邑江流之險有一十五處一日  
作法召其灘神俾悉平之是夕應召而至者  
一十四灘獨有一灘召不能至乾祐大怒必  
欲召之既至乃一女人義冠大袖慨然進辭  
曰天師禦天行化妾乃一水神何敢抗拒第  
有未安不容不稟觀君之意不過欲使舟楫  
而不知從事舟楫者日常倍利縱有少費不  
足為損沿江小民三四百家無田可耕無桑  
可織全仰為人挽負以資其生今若盡平灘  
險在舟楫固甚便在彼小民其於衣食為如  
何太上之意必不如此深恐異時獲罪不免  
負累更宜裁之乾祐嘆曰汝之所慮非吾所  
及於是復命十四灘之神各復其險是夕風

雨孝吼雷霆震擊明日視之一十五灘驚波  
怒濤宛然如故荆南節度使王玘者聞其名  
親從受錄是夕代宗夢玘從三種人遊即遣  
黃門謁者馬承靜問狀玘以乾祐對代宗因  
曰朕有六甲殿七寶所成中有金箱玉簡頒

使法師啓之而鑰不可動乾祐有道者宜能  
啓也詔玘趣延乾祐辨裝既至長安以酒饌  
六甲殿門即洞開代宗悅賜乾祐號通靈大  
師少焉辭歸代宗會其流儼之乾祐取悅置  
五凡上他道士不知所以乾祐曰吾法高者

為先有能舉是說者吾師也眾道士莫能舉  
乾祐徐取置諸道士盡皆不能與代宗曰奈  
何乾祐曰今起不難聊為諸公少覩爾即叱  
之速起代宗大異之乾祐遂去三日至江陵  
及歸所舍則母已死於虎乾祐召虎至地神  
從之曰天師母九危八難天符救之爾乾祐  
鞭虎數十釋之自是尤務拯人疾苦煉黃白  
遇窮者施之文宗太和十年十二月朔告其  
徒曰後五日吾將朝天至時而化其徒葬之  
嘯時聞雲中有鐘鐸之音雲五色爛然乾祐  
在其上俯謂其徒曰勉旃毋忘吾道尋再昇  
而去發視其棺惟有衣履而已後十五年有  
李文盛見乾祐於益都曰吾暫遊青城行返  
雲昇益州新津縣繁龍江有繁龍樹方輿  
記云仙人程石自峨嵋山來繫一龍於此恐

即乾祐也俟後博覽者幸訂其是非焉

歷世真仙體道通鑑卷之四十一

歷世真仙體道通鑑卷之四十二

浮雲山聖壽萬年宮道主趙道一編修

舒虛寂

舒虛寂字得真開州人也世業農虛寂獨喜  
林泉好黃老街事建陽翟乾祐天師天師  
沂江游仙都觀洞中得鎮元策靈書乃葛稚  
川於羅浮山神仙降授之文也乾祐謂虛寂  
曰吾先師宋沖元所祕得者名在仙格汝雖  
得之未知其要因指授之且曰二氣之前道  
為祖道以一氣生三才故天有九陽人有九  
元地有九陰人之稟生皆能歸其祖守其元  
則感通變化無所不適此書昔西靈金母授  
漢武帝武帝傳孝少君而後太極左仙公得  
之葛稚川又得之於羅浮山先師於洞庭君  
山復得之於葛仙公因戒曰鎮元之道乘大  
魁履比極視瑤光躡丹元倚靈田臨闡陽運  
元網握天樞執持六氣指揮萬靈外可以召  
神內可以延生虛寂如所戒而修之無不神  
驗忽謂人曰蜀多名山為神仙所會吾將遊  
焉既至則常持尺數寸貯紙囊中或問之曰

此可治百病有請者以津液調與之疾無不  
愈又嘗患口瘡謂人曰視吾口中乃張之如  
箕五藏悉露視之者無不驚訝後入新繁銅  
馬觀久之常與人言昔黃帝與竇先生天真  
皇人會衆真於此號其地為三會臺有銅馬  
隱於林間今龍橋乃其舊迹後之人於銅馬  
隱處築臺以誌之秋夕澄霽銅馬忽騰躍嘶  
鳴見之者得道者往來此三十年幸一見之  
居歲餘忽謂鄰母曰旦夕將他適欲以後事  
相託因指視其地囑曰瘞我於此當深三尺  
餘吾必有厚報是夕卒鄰母如其言而瘞之  
果得金一鎰以聞官驗所瘞但杖屨而已乃  
知神仙解化報答鄰母遂復予之母有子自  
臨叩歸見虛寂以二甘瓜於新津上命坐分  
食其一又一使遺其母謝曰積年所擾一旦  
遂別再會無期寧免憶快其子還舍始知化  
去進士馮道為傳

向道茶

道士向道茶不知何許人為入朴略事虛寂  
授鎮元策靈書而名聞於蜀嘗欲以金三十